



第一房第九派宗表

北遷十世

十一世

十二世

十三世

十四世

派祖諱明元

先一永敏

系宜華

一宗興

一原柱

一應斗

保碩一男

字

字

字

字

二希斗

生卒失傳

官祀凌泰奉

肅宗壬戌生

英祖丙辰生

英祖戊子生

三桓斗

肅宗丁巳九月

英祖己巳受賈

墓野起德

英三月日

是七月十日

三桓斗

受賈嘉善

墓通政

原月辰石

墓野起德

墓野起德

三桓斗

倉洞亥生

北京圖書館編

古面

乙卜

原

原

北京圖書館藏

家譜叢刊民族卷

第82冊

北京圖書館出版社

北遷十世

一

本

男

東約

男一

婿

宗

坡平尹氏派譜目錄

序	四首	一	文肅公行狀	八
凡例		四	墓表	九
太師公實蹟		一	事蹟	一一
墓表		二	祭文	一五
功臣公事蹟		三	文康公歷史	一六
墓表		三	遺文	一七
僕射公追錄		四	追遠壇故事	一八
墓表		四	保寧公追錄	一九
文靖公附錄		五	祭享親定節目	二〇
墓表		五	遺墟碑銘	二一
			並序	
文肅公歷史		六	神道碑銘	二二
			並序	
遺文		七	學生公諱億年墓表	二三

學生公諱億輔墓表	二四	世系分派圖	三四
學生公諱萬億墓表	二五	行列圖	三四
學生公諱秀民墓表	二五	世系傳聞錄	三六
叅議公事蹟	二五		
倡義錄	二六		
祭文	二七		
行狀	二九		
墓表	二九		
學生公諱岌墓表	三〇		
通訓公諱業墓表	三一		
商菴先生行狀	三一		
遺墟碑銘 並序	三二		
龍田先生遺墟碑銘 並序	三三		

坡平尹氏舊譜序

木之根厚者枝葉必茂水之源深者派流必遠人有積慶然後其流風遺澤至于數世而不絕此理之必然者也古稱姓氏之美者晉之王謝唐之崔盧是已然其衣冠之盛特誇耀於一時而止耳若誇歷數世而榮于邦家功在社稷則亦蔑々乎無聞焉吾東方氏族之貴者咸以坡平尹爲第一尹之始祖仕于麗太祖迄于今凡幾百載而勳名將相繼繼承承聯芳趾美奕世冠冕是豈王謝崔盧之可比也哉又能代出國母誕生聖人金枝玉葉不啻若螽斯之兢兢則此尤古今之所未有也尹監司漑坡之白眉也茲余省母于金馬卽彌節來訪仍出宗姓譜一卷以示仍請題其後余惟古之聖賢不係於世類尙矣然三代以下莫不詳於族譜之傳吾東人尤重于是而一再傳後不至於泯滅者鮮矣孟子曰君子之澤五世而斬小人之澤五世而斬言人善惡之澤皆不過五世而絕豈有一世二世至于百世不絕者乎若坡之尹氏者自高麗初殆將數十世而晉紳

相望益大以繁譬猶根厚之木源深之水枝葉之茂流派之遠盖有不期然而然者矣宜爲釐爲卷軸刻諸金石以壽其傳而使世家巨族取以爲矜式不爲驕溢之行務培積善之地則是譜者豈獨一門之所爲寶藏實爲輔世之一助也吁盛矣哉

嘉靖紀元之十八年重陽後五日崇政大夫議政府左贊成兼知經筵春秋館成均館事弘文館大提學藝文館大提學世子貳師晉山蘇世讓書于退休堂

戊辰重修譜序

自古學者有能知草木虫魚之名已而氏族及祖宗事蹟則或不能詳知此君子病之而譜之所以作也盖譜者尊祖敬宗明一本萬殊者也微譜雖欲收宗族厚風俗末由也已是以三代以下莫不詳於族譜之傳吾東尤重于是世譜之家必有譜牒豈直爲一門之美哉亦將有世道賴焉程張之說備矣不敢庸贅而抑家之有譜猶國之有史惟當傳其信而必致

詳於所的知闕其疑而專致力於所當爲耳昔吾尹氏之遷徙北關蓋在本朝實邊之時而文獻無徵古系不傳北來以下世次歷歷而自北以上實未免疑晦此北人之通患也粵自入北先祖 保寧公至于余不肖孫一十有四世世代許遠支派甚繁往在壬戌始叅於京譜而不無踈畧之歎自壬戌至于今已是一百二十有七年之久則追譜之舉不可不講若不趁今統會修輯以彰本支而終於湮滅無傳則後裔繁衍系派益分孰得以明祖先事實年代愈邈孰得以詳之堂叔諱昌殷卽 正郎公奉祀宗孫也常有意輯之數年經紀而未就今已捐世爲二十有五年矣道洽竊爲是慨然奉議門長爰暨諸宗咸曰惟惟俾掌其事自顧謏見蔑識實無以堪勝而辭不獲已於是乎斷自入北爲始始作信譜遂博求雲仍之散在列邑尋流溯源從葉知根派派收錄支支區別叅互訂定十分無疑然後纂成一通題曰關北坡平尹氏族譜非謂坡平在關北也特明坡平尹之居北故也嘻古之聖賢不係於世類尙矣若使北關尹氏苟能忠孝

起家科宦名門者其入北前失系何嫌之有彼世之華而名者極上古粧撰其譜大爲籍勝或中世斷絕厥系便作爲恥至有假顯祖以稱其閥附貴族以夸其身所以狄武襄之還償君子爲之歎美郭崇韜之拜墓世人唾鄙則此豈非譜氏之所可鑑而則之懲而戒之也哉今吾譜先代昭穆之序恰餘十世則克尊我祖之地不爲不遠矣同宗行列之麗遍滿十州則克叙我族之道不爲不廣矣其視蘇明允之立譜止於四世者爲幸不旣多矣乎凡我同宗之在吾譜者講究斯譜激勵其心毋忘一人身分必思百代親切能追遠而盡誠須自近而敦誼則是譜者實爲吾家觀感之藏寶而一倍興起焉不亦美哉此余所以汲々於斯也而北關尹氏其將昌大永無譜牒之失可庶幾也繼此修釐永世毋替重有望於後來吾宗諸君子云爾

純廟戊辰三月 日入北十四世孫道洽謹識

增修譜序

我尹自鼻祖 太師公出於坡平仕于麗太祖迄于今凡千有餘載有譜而有修者凡八九式其勳名將相繼繼輝赫孝友忠信世濟其美爲我東方甲乙族矣至於 縣監公諱富漑始轉僑會寧地後孫昌熾相承世業今成一派門閥間緣京鄉阻隔其於大譜之修也合之者壬戌庚寅庚申三時而已至於本派之修有戊辰庚戌之兩牒也外此戊寅咸譜庚申連譜則雖或叅之而錯其祖先昭穆之序何可以謂之明譜系收宗族云乎哉於是乎真可驗先輩之常嘆難其人之語矣日縣監公後孫最抱世籍來言曰協議一族編成派譜使同派之族家家藏之人人講之而一以明某祖之後爲某子孫一以決後孫歧貳之論議一以叙後生敦睦之倫綱也仍囑余以弁焉顧在花樹之誼何以不文辭噫凡爲我宗人者盍相與惕念其嗣續之爲榮荒墜之爲辱而各自感奮振勵力學以成之求以益耀於先徽也耶如此方可謂之上不負於祖先下有蔭於後昆內不壞於門戶外有輔於世道者也不然則後之生者將按譜而嘆曰何先世之盛

而後世之衰也何先世之賢而後世之不肖也嗚呼豈不爲斯譜之羞耶
凡在同譜者克體我先祖勿替引之訓而世世承襲則庶無憾於千萬世
孝慈則焉

始祖降生一千三十二年甲子復月三十二代孫翰林院丞旨斗炳撰

四瀆百川皆源於一河而分千枝萬葉皆由於一根而生瀆川非河無以
分焉枝葉非根無以生焉人於鼻祖亦有類於此自鼻祖而觀之昭穆皆
瀆川枝葉也吾尹自 太師府君至 文肅公大焉後裔 保寧公諱富
漑逮當實邊遷居會寧京鄉阻隔文獻無徵也此是甚所慨嘆者也往在
純廟戊辰 商菴先生慨然乎斯始修入北之譜修譜之舉所以作也自
乙丑秋門祖在屋在樅秀楠諸氏通諭于諸宗派派收單使門侄覈統其
事以校以草首尾五載編述四局剞劂告竣此是吾宗之幸而亦可爲世
傳之寶鑑也凡我僉宗以孝悌之誠承先祖之遺德以敦睦之心爲後裔
之鑑戒則吾門之餘慶庶幾不替也哉且述譜事之顛末以俟後世之續

修焉 龍集己巳仲春 保寧公十九世孫 文廟直員泳旭謹識

凡例

一 例凡倣舊而古今不同創隨每多以僉宗公議略有變焉

一 始祖書姓啣而其下不書姓者千枝萬葉同歸於一根之理也

一 保寧公以後修譜者凡三四回而戊寅庚戌庚申三時之修也錯其昭穆故入北以上先系姑記於總編以俟後日之考焉

一 先男後女重其宗姓然而世代久遠未能詳知者仍舊譜書之則不無倒次之序覽者恕之

一 本宗備書名

別號亦書

字科宦行贈生卒年月日六十以上書壽幾墓有碑

表誌則在職者今字前字以標之見聞未及則闕之

一 禮曰嫡庶俱無然後立后又當平等之世道不敢以辨別本支故庶字盡除特表睦族之誼焉

一 舊譜分編之例書頭以千字文記之使相照管然今爲數字書之頁傍

以甲乙編數考之使相照管焉

一墓表行狀家狀序銘則勿論遠近族之事蹟采撫著之以芳規善行興感子孫之義

一自 太師公至 文肅公年譜與事蹟卷秩浩大故圖其便宜而刪之
一每張依八層橫間至末層只書諱卿更起第一層而傍書父祖兩世諱卿以便互考若無更起之支則仍以末層列書小註不用更起之例
一出系人后者亦書於本生兄弟行者所以便參考也

一劃世系分派圖載於編首以甲乙編數記之以圖閱覽之便宜

一雲仍之散處各郡者一一難知故各記地名於末層之傍然見聞未及則闕之

一入單晚時之族則依舊例錄於附錄以俟後考

一凡我同譜之族極加花樹之誼內不壞于門戶外有輔於世道庶不墜
關北大姓族之名望

坡平尹氏派譜卷之一

太師公實蹟

始祖諱莘達一諱莘官至三重大匡太師唐 昭宗景福二年新羅眞

聖王七年癸丑八月十五日公生于坡州坡平山西麓龍淵嘉一淵云俗稱

尹氏澤盖浮出玉函故也

南原後孫判書
行憲撰玉函銘

後孫丞旨珩家乘云坡州長

浦東面有坡平山山下有池方數百步大旱不渴有人投杼於中數日

後杼出於臨津下流云池中有龍人或澣穢於池邊則必有風雷之怪

唐 昭宗乾寧三年丙辰有老嫗沐浴於池邊磯石石底忽有石函視

之則一童子滿身香氣抱而歸家養而子之仍冒姓嫗尹氏及長給事

於麗朝宰相家坡州之於松京相距八十里朝往暮返先謁後辭最被

宰相之信愛栢灘下流臨津上流大江一帶無船莫濟公往來如坦履

屐不濕里人怪之窃睭公濟江之時則江水卽涸一場白沙而已及渡

波濤洶湧人不敢涉自伊後號曰龍山江一曰如飲津至今有傳名○

公久爲宰相家人宰相夢中頻有黃龍之異夢覺審視皆公坐臥之所如是者再三宰相奇之因以女妻焉公以婦翁之蔭始仕於朝○坡州宗人義培家乘云公初爲宰相舍人見宰相作祈雨祭文而未得首句公製進曰宜君臣之有罪甘受災殃奚草木之無知等蒙焦熱云宰臣用其文而推薦於朝遂至大用○南原譜云坡平山金剛寺前大池一日雲霧雷電居民怪之告鈴平守守詣淵邊焚香虔祈而三日不爲開霧里媼尹氏遙看淵中有石函金一浮動止泊岸邊尹媼竭力開函則中有一小兒左右肩上有赤痣如日月狀左右脇有八十一鱗足有七點黑子如七星焉光彩炳烺照人耳目媼収而養之因冒媼姓及長仕於麗朝晨往暮返所涉江流斷絕有飲港之號至今尙在盧左溟聖中有詩曰太師豈龍子往來斷江流英豪混泥塗那得知其由○公嘗居坡平山中藝成文武戊寅佐麗太祖滅泰封弓裔弓裔乃去斧壤爲民所害裔聞王來曰王公得吾事已矣乃亡去

今平

王裔即新羅僧

屢立賊分功人東略自稱後裔自謂觀心見麗國號太祖曰何為麗太祖為弓裔將
不致耳申崇謙等殺之麗祖強曰欲叛以退麗太妃姊夫柳氏得預義舉也乙未
與洪儒申崇謙等殺之麗祖強曰欲叛以退麗太妃姊夫柳氏得預義舉也乙未

新羅敬順王金溥以國弱謀降高麗曰吾不忍以無辜之民肝腦塗地

使侍郎金封休賚書請降高麗王受書郊迎館于柳花宮妻以長公主

封樂洛王受庭見之禮是年新羅滅○丙申後晉高麗太祖率度黔

弼尹莘達等討甄萱之子神劔克之統合三韓策公為壁上三韓翊贊

功臣二等第十一一人公有濟世之志每從征伐勸王信義修德以利天

下王嘗嘉納之及一統之後臨朝諭侍臣曰新羅百濟之平皆尹莘達

功也○坡平山頂公馳馬臺臺之築石至今依舊有鐵馬五公愛其所

乘之馬及死鑄立邇來鐵工竊去即死同謀者更為瓦馬五小似犬置

其舊立處云○麗太祖晚年疑人太甚嗔患日增朝臣賢士不獲近

前以度公黔弼之元功誣流鵠嶺公以容貌宏偉斥出東京質留公子

先之削其封爵守東京三十年不召還以宋太祖開寶六年麗光宗

起家科宦名門者其入北前失系何慊之有彼世之華而名者極上古粧
撰其譜大爲籍勝或中世斷絕厥系便作爲恥至有假顯祖以稱其閥附
貴族以夸其身所以狄武襄之還償君子爲之歎美郭崇韜之拜墓世人
唾鄙則此豈非譜氏之所可鑑而則之懲而戒之也哉今吾譜先代昭穆
之序恰餘十世則克尊我祖之地不爲不遠矣同宗行列之麗遍滿十州
則克叙我族之道不爲不廣矣其視蘇明允之立譜止於四世者爲幸不
旣多矣乎凡我同宗之在吾譜者講究斯譜激勵其心毋忘一人身分必
思百代親切能追遠而盡誠須自近而敦誼則是譜者實爲吾家觀感之
藏寶而一倍興起焉不亦美哉此余所以汲々於斯也而北關尹氏其將
昌大永無譜牒之失可庶幾也繼此修釐永世毋替重有望於後來吾宗
諸君子云爾

純廟戊辰三月

日入北十四世孫道洽謹識

增修譜序

我尹自鼻祖 太師公出於坡平仕于麗太祖迄今凡千有餘載有譜而有修者凡八九式其勳名將相繼繼輝燦孝友忠信世濟其美爲我東方甲乙族矣至於 縣監公諱富漑始轉僑會寧地後孫昌熾相承世業今成一派門閥間緣京鄉阻隔其於大譜之修也合之者壬戌庚寅庚申三時而已至於本派之修有戊辰庚戌之兩牒也外此戊寅咸譜庚申連譜則雖或叅之而錯其祖先昭穆之序何可以謂之明譜系收宗族云乎哉於是乎眞可驗先輩之常嘆難其人之語矣日縣監公後孫政抱世籍來言曰協議一族編成派譜使同派之族家家藏之人人講之而一以明某祖之後爲某子孫一以決後孫歧貳之論議一以叙後生敦睦之倫綱也仍囑余以弁焉顧在花樹之誼何以不文辭噫凡爲我宗人者盍相與惕念其嗣續之爲榮荒墜之爲辱而各自感奮振勵力學以成之求以益耀於先徽也耶如此方可謂之上不負於祖先下有蔭於後昆內不壞於門戶外有輔於世道者也不然則後之生者將按譜而嘆曰何先世之盛